

出於井順慶之井久堙塗堦之井有禁所轉致者惟
戎州耳又不可以舟車通肩瘡蹄血而後至其來也
不易則值不得不昂值昂而民之艱食者比比矣黔
民洵苦矣哉三月之忘獨藜藿腸哉當其匱也代之
以狗椒椒之性辛辛以代鹹祇誑夫舌耳非正味也
卽遇其饒亦止沾唇而量腹如水之交不在和羹也
而安商其爲紫爲赤爲瑞爲散與夫爲苦爲飴爲形
巨桃也哉無他因其錐刀故也鹽之直取於穀穀曰
賤而鹽不肯平十種不能易一豆安得而不苦其乏
夫鹽木枝可生陸地可生豈山國獨不生毋亦牢盆
貴陽府志

餘編卷三

文徵三

三五

之術未精管商之政未講耶不然卽輸滇淮而足之
奚不可然不必也緩關市之征而覈居奇之蠹則幾
矣

雄黃說

產安籠之這興邇於粵採之法易於砂塊者爲上末
次之皎者爲上黯次之卮榼仙佛皆可鑿塊不恒得
則聚瑣屑而媿之媿之之用爲茅膠茅膠者薯蕷之
別種不可食者也其汁若髹漆可以合離而萃渙黃
有雌有雄雄則皎雌則黯矣古人點讀之誤抹以雌
黃人之譸張爲幻者率類是故曰雌黃其口而春申